

22. oktober 2018

UKA2018/114

**Ilinniarnertuunngorniarfinni ilinniutit, ilinnarnerup ingerlanera, atortussallu allat Namminer-sorlutik Oqartussanik tapiiffigineqarluni pineqartartut ilinniarnertuunngorniarfinni siunertanut tapersersuisuunersut Naalakkersuisunit misissuiffigineqarnissaannik nalunaarusiorneqarnissaannillu inatsisartut aalajangiiffigisassaattut siunnersuut. Nalunaarusiaq kingusinnerpaamik UKA2019-mi saqqummiunneqassaaq siunissamut isigisumik pitsaassutsimik qulakteerinnin-nissamut innersuussinernik imaqassalluni.**

(Siumup Inatsisartuni ilaasortaatitai)

Siullermik Siumup gruppiata siunnersuutaanut qujariarluta siunnersuut imannak oqaaseqarfingis-savarput.

Isumaqpugummi ilinniartut siunissamut ilikkagassanut sakkussaasa inerisartuarnissaannut pisussaaffeqarnerput pingaartillugu ilinniutitigut nunatsinni siunissamut pisariaqartinneqartunut naleqquuttunik piorsaajuartariaqartugut.

Nunatsinni ilinniarnertuunngorniartarnermi iluaqutasut ineriertornissamut matorpassuarnik ammaassisuuusartut tullusimaarutissaraavut. Ineriertorneq ingerlalluartoq nakkutigilluarne-qartorlu naaffeqanngilaq, taamatorluinnarlu inisisimasariaqarput ilinniartitaanerit ingerlanneri, ilinniutit atorneqartussatut aallajangiunneqartartut, ilisimasaqarluartunit nalilorsorluarneqarlutik naleqquuttutut aalajangiiffigisarnissaat, pingaartumik ukiuni makkunani nunatsinni namminilivik-kiartornerup peruttorfianni.

Taamaattumik siunnersuutaasup anguniagaa pimoorunneqartariaqartutut isummerfigaarpus. Pingaaruuteqarluinnartutullu Siumumiit isigalugu. Paasivarput Naalakkersuisut tapersiillutik aamma allanguutissamik siunnersuuteqartut. Tassuunatigut ersarissivoq alloriarfissatut siunnersuute-qartut kissaataannit siusinnerusukkut Naalakkersuisut saqqummiussaqarusuttut.

Siunnersuutip ingerlaqqinnissaa soorunami taperserparput. Aappassaaneerneqartinnanilu ataatsimiitaliamit susassaqartumit suliarineqarnissaa innersuussutigalugu. Ataatsimiitaliarlu Sulilluarnissaanik kissaapparput.

Laura Táunâjik, Siumut